

陝西 省

續潼關縣志

(全)

中國方志叢書·華北地方·第二四七號

據清·向淮修王森文纂
清·嘉慶二十二年刊本
影印

陝西 省

續潼關縣志

(全)



成文出版社有限公司印行

續修潼關縣志序

潼關舊志作於邑進士楊明府端本新城王尙書士正稱其簡核有體可備史家掌故蓋善志也其書起上古終

國朝康熙二十四年迄今百餘年矣計百餘年間士庶懿行指不勝曲而聽其散逸不爲搜輯以示來茲守土者又何以辭其咎予任潼關丙子年時值歲豐因延境內紳士設局稽訪予暇卽與分類纂輯雒陽令諸城王君森文於志例有所淵源俛爲編訂逾歲而成始康熙二十五年終嘉慶二十一年凡紀典禮人物悉遵史通斷限之例其人物間有越載故明及國初並錄舊志所已錄者皆以

國朝人物爲主而附所錄於後所以補前志之遺也歲在丁丑將付剞劂因書其顛末以弁於首是爲序

時

嘉慶丁丑仲秋之望陝西同州府撫民同知華陽向淮題於潼關官舍

續潼關志目錄

卷之上

地理志第一

沿革

疆域

形勢

山川

古蹟

風俗

建置志第二

城池

公署

學校

津梁

編屯

陵墓

街市

禮祀志第三

祀典

祀廟

寺觀

災祥附

田賦志第四

屯地 屯糧 地稅 當稅 牙稅 鹽課

戶口

卷之中

職官志第五

名宦 潼商道 撫廳 知縣 教官 雜職

潼關營 中軍守備 把總

人物志第六

鄉賢 忠烈 孝友 宦績 隱逸 高士

義行 書畫 方技 人瑞 前志補遺

列女

選舉志第七

進士

舉人

貢生

武進士

武舉

武職

封廕

鄉飲

卷之下

兵志第八

兵制

兵略

十二連城關隘

藝文志第九

詩

賦

記

傳

跋

序

續潼關縣志卷之上

地理第一

沿革

潼關縣舊屬西安府雍正二年裁五年復設潼關縣屬華州乾隆十三年裁縣置潼關廳屬同州府

疆域

潼關縣治在同州府東南九十里治內境土皆屯縣舊區錯處閿鄉華陰二邑分布參差難以廣袤道里計今第就建置一區列其近界東至河南閿鄉縣界五里西至華陰縣界五里南門外不數武卽華陰閿鄉二縣界北至山西蒲州府界一里西至

華陰縣治四十里南至雒南縣治一百四十五里西北至朝邑縣治六十里北至山西永濟縣治七十里東至河南閿鄉縣治七十五里西北至同州府治九十里

形勢

元和志上躋高嶠俯視洪流盤紆峻極實爲天險河之北岸則風陵津北至蒲關六十餘里河山之險迤邐相接自此相望川塗曠然蓋神明之奧區帝宅之戶牖百二之固信不誣也西安志東連鼎湖西接太華秦嶺障其南黃河繞其北華州志潼關南薄山北阻河中通一徑車不得方軌馬不得成列一夫當關億萬之衆不可踰也若甬據秦嶺之險而襄鄧之門戶一塞北

鎮渡口之防而晉陽之隙道難成是非三秦之樞紐寰宇之雄鎮哉

山川

潼谷水在水峪東松果山佛頭崖水經注云灌水在松果之上逕通峪世以謂之通峪水東北注於河述征記所謂潼谷水是也又蒿岔峪水白龍王廟北合潼水流入於河前志謂潼水出四川梓潼縣論者疑之據此則出梓潼之非明矣

坑獸檻谷在城南四里南北鎮城間隋大業七年徙潼關於南北鎮河間卽此

馬跑泉在城東三十里寺底屯唐太宗爲秦王時兵駐其地士

方渴苦無水繫馬其處馬跑之泉忽湧出遂得飲今泉方數丈澄澈淵涵時常溢出

野狐泉在關西道旁店後坡下舊傳云野狐掙而泉湧舊志廣明元年冬黃巢攻潼關關士民皆潰張承範變服率餘衆走至野狐泉

普濟泉在西關普濟洞前泉水清冽異常大旱不涸居人資汲湫泉在原望溝內上下凡數泉清冽異常大旱不涸民人資汲靈源渠泉在華陰縣蒿岔峪西山下龍王廟前出峪北流經關

而上老馬衙衙南營村南午庄許家城陳家城

東分一支流南歇馬東西二村

北流一里經鄧家寨

西分一枝流興邑至巡底

又北二里

東分一枝流北歇馬逕斜

路城過東城
子至大留屯

又北五里逕留果斜龍王廟之西

東分一支流留果村至西董村

折而西逕漢井楊家灣

分一支流寺角營楊家莊

又北四里逕黃邑雷村

直達上南門入白蓮池

歷年歲旱水少村民不給於食無餘水可引池遂廢

古蹟

古城在南門外原上漢武帝建周文帝破竇泰於此改名潼谷

關今其遺趾尙存

魏城在關西四十里古城屯土人呼爲古城梁惠王十四年築以距秦古城寨卽秦晉接界魏守長城之處古城屯長城屯皆以此名

方庠渠在城東南二十五里董社屯源出董舍原下漢楊四知

天子校書於原北自原之南鑿渠引水東北注校書堂之池
俗呼爲硯水池

姚氏屯在金陡關東晉書義熙十三年檀道濟攻潼關秦將姚
紹出戰道濟敗之紹退屯定城遣姚鸞屯大路以絕道濟糧
道又遣姚讚屯河上以絕水道西征記入函道六里有舊城
周百餘步北臨大河南對高山姚氏置關以守險舊志城東
有金陡城或云卽姚讚河上之屯

盛家泉明禮部尙書盛以宏別墅之池泉也在關西泉店鎮與
大理卿張維任池水合流園約百畝林泉佳美宗伯建紫氣
亭於內自號紫氣山人時與名流吟咏其間今園廢維清泉

一派流音冷冷仙客騷人過之嘆惜王漁洋秦蜀驛程記云
憩泉店面屏風山秀冶欲滴其下多垂柳芰荷被渚卽此

風俗

風俗與運會爲轉移潼關號稱易治自經兵燹紳士皆逃之
鄉村城中文物蕩然舊志據一時所見慨乎言之方今

盛朝定鼎因俗布宜士皆家絃戶誦沐雨歌風有復我故廬者
有因官聚族者有豪傑自命者一時科第膠庠雲烝蔚起與
他邑比士民皆衣服尙潔賓祭從豐與在鄉之崇實敦朴猶
有古先民風俗之遺意云

建置第二

城池

潼關城垣廣袤仍舊雍正五年知縣黃憲鯤補修二十七丈七尺七年復修一百二丈七尺乾隆九年知縣王懷堂重修三十四年同知趙本蟠於東西南北各修城路設柵欄五十三年四月潼商道德明公奉

勅修南面土城三千二百九十八丈七尺北面磚城七百三十三丈三尺高三丈頂寬一丈八尺底寬三丈城門六東曰迎恩正樓五間箭樓三間西仍懷遠正樓七間箭樓七間北曰鎮河小北門曰拱極南曰鳳翽上南門曰麟遊城臺各一座南水關

開樓七間北水關開樓九間馬道十座更鋪房七十二座五十六年七月工竣准銷銀六十五萬三千七百四十三兩零嘉慶二十年九月地震南城崩壞七十一丈零

滿城在關城西三里雍正二年建周三里二分東西二門守尉一員乾隆二年撤滿兵裁守尉

公署

潼商道署舊在城西北隅後移治東故明兵部尙書王之臣舊第康熙十六年副使胡戴仁修葺增建大門儀門寅賓館構川堂書屋復買民地五尺爲更道雍正六年分守道張正瑗買地大門外拓十有九丈繚以崇垣左右建中正和平二門

中建嶽峙河澄坊乾隆十三年移道署於縣署在正東街是爲今治自乾隆己丑至嘉慶丁巳歷任潼商道屠公用中吳公延瑞崇福公皆加修治己巳現任潼商道嵩溥公更事修葺

撫民同知署廳署舊在東察院故址明萬厯中改爲撫民廳署康熙二十二年同知翁世庸捐俸重修乾隆十三年裁縣歸廳廳署移於縣署縣署者故衛署也在西門內卽今治自乾隆二十四年己卯至嘉慶辛酉歷任同知李豫楊天文趙本嶠錢人龍陸維垣朱學濂虞友光先後重修

風陵渡巡檢司舊在黃河北照村裁縣後移駐驛丞署在四牌